

# Ráðgjafarráð

## Hlutverk og tilgangur

### 1. gr.

- Að fötluðu fólki verði gert kleift að hafa áhrif á og taka þátt í skipulagi og framkvæmd þjónustunnar sem og öðrum hagsmunamálum sínum í Hafnarfirði.
- Að vera ráðgefandi fyrir bæjaryfirvöld og stofnanir bæjarins.
- Að vera talsmaður fatlaðra bæjarbúa og stuðla að jafnrétti þeirra á við aðra.
- Að fylgjast með stefnumótun og þróun hugmyndafræði er varða réttindi fatlaðs fólks og vera þannig leiðandi í framþróun málefna þess.
- Að hafa samráð við hagsmunasamtök og íbúa í Hafnarfirði.

## Tilnefning og skipun

### 2. gr.

- Tilnefninga í ráðið skal óskað frá Þroskahjálpi og Öryrkjabandalaginu.
- Fjölskylduráð skipar í ráðið að fengnum tilnefningum.
- Skipunartími ráðsins er tvö ár í senn.
- Skipun í ráðgjafarráðið fer í fyrsta sinn fram í júní 2012. Næst skal skipa í ráðið til tveggja ára í janúar 2014 og svo í janúar á tveggja ára fresti og boðar fjölskylduráð til fyrsta fundar.
- Ráðið er skipað fötluðu fólki sem býr í Hafnarfirði eða talsmönnum þeirra.
- Í ráðinu sitja fjórir fulltrúar tilnefndir af hagsmunasamtökum og með þeim starfar einn starfsmaður Hafnarfjarðarbæjar:
  - Þroskahjálpi – tilnefnir 2 fulltrúa og 2 til vara
  - Öryrkjabandalagið – tilnefnir 2 fulltrúa og 2 til vara

## Fundir og verkefni

### 3. gr.

- Hafnarfjarðarbær leggur ráðinu til starfsaðstöðu vegna funda.
- Á fyrsta fundi nýs ráðs fer fram kosning formanns og ráðið skiptir með sér verkum.
  - Ráðið setur sér reglur um starfshætti s.s. um fundarsköp, verkefni og verkaskiptingu, tíðni- og boðun funda.
  - Ráðgjafarráð getur óskað eftir fundi með ráðum og nefndum, og ráð og nefndir geta óskað eftir fundi með ráðgjafarráði.
  - Í janúar ár hvert skal halda fund með fjölskylduráði þar sem farið er meðal annars yfir fjölda mála sem lögð hafa verið fyrir ráðið.
- Verkefni ráðsins koma úr ýmsum áttum:
  - Ráðið á að vera ráðgefandi varðandi stefnumótun um málefni fatlaðs fólks á svæðinu.
  - Ráðið tekur til umfjöllunar þau málefni sem koma frá fjölskylduráði m.a. alla stefnumótun í málefnum fatlaðs fólks.
  - Ráðið getur lagt til mál að eigin frumkvæði.
  - Ráðið ræðir þær ábendingar og tillögur sem koma frá notendum þjónustunnar, þó ekki er varða einstaklingsmál.